

CARTA CHUPPA NU GUTHEL·LA' APÓSTOL SAN PABLO PARA TIMOTEO

Segunda Epístola Del Apóstol San Pablo A

TIMOTEO

1 Inte' Pablo apóstol qui' Cristo Jesús, acca riquixà'a' ca titsa' quì'e porqui'ni a' calatsi' Tata Dios, porqui'ni chì benie ri'u prometer qui'ni gunnee la'labàni nu labí ttíq̃ qui' ri'u canu ná ttuba lani Cristo Jesús. ²Rudiánia' lu' Timoteo porqui'ni yala la' tsì'ilatsi' te lo lostu'a' lani lu', porqui'ni ná lu' yì'nia' dèsdèba gutixa'ánia' lu' titsa' nu runna salvación. Dios Padre qui' ri'ua gunie lu' bendecir lani adí favor quì'e nna la' retúalatsi' quì'e nna, a'hua lani la'ÿeni nu runna Xana' Ri'u Jesucristua.

³Inte' nna ga'na' seguro qui'ni labí biya mal runia', sino runi la' Tata Dios servir tì'a beni ca ta' tàta quí'a nna rue' ye' e gracia por lu' nna rexa látsa'a' lu' tulidàba lani oración quia' réla ritsá bá. ⁴Rexa látsa'a' qui'ni yala guretsi lu' loti' bechu titsa' luetsi ri'u acca yala calatsa'a' inná'a' lu' attu, làniana adiru edacca' te'. ⁵Rexa hua látsa'a' qui'ni lani itute latsi' lu' rappa

lu' confianza lani Tata Dios, tì'a huía latsi' primérote nagùla qui' lu' Loida a'hua nàna qui' lu' Eunice, ga'na' seguro qui'ni a'hua lu' nna chi guta' fe qui' lu' lani e. ⁶Acca ruréxa'a' latsi' lu' qui'ni Tata Dios nna bennee ttu poder qui' lu' loti' betsía naya' iquua lu', acca ná qui'ni eyàppa lu' fuerza espíritu qui' lu' attu por medio de huacca quì'e lani lu'. ⁷Porqui'ni Tata Dios nna chì guthel·le'e Espíritu Santo enne' due lo losto' ri'u; lèe nna bittu hua runie qui'ni gata' la' rátsilatsi' lo losto' ri'u lani ca enne', sino runna lée poder qui' ri'u nna a'hua la' tsì'ilatsi' nna la' ritelíni tsè' nna. ⁸Acca bittu gátsini lu' equixá'a' lu' qui' Cristua lani adí ca enne', nihua bittu ettu'ni lu' por inte' qui'ni tí'a' litsi' iyya, porqui'ni hua ná por Cristua ba. Canchu biya ruthacca' ca enne' lu' de riquixá'a' lu' ca titsa' nu runna salvación nna, bèchia ba nna gurèni lani la' redacca'latsi' tì'a runia' por la'

huacca nu runna Tata Dios qui' ri'u. ⁹Lèe nna bedilèe ri'u para qui'ni làa tsía ri'u lo yi'bél'la, a'hua gutâyie ri'u para ccá ri'u yî'nie, acca chi ná ri'u enne' qui'e. A' benie, pero alàa por biya caridad ni beni ri'u o biya ru attu obra l'le, sino bedilà lée ri'u por la' retúa latsi' qui' bée ti'ba chi nanie antes càla gunie yétsiloyu porqui'ni chi yùe dèdèba neru qui'ni ccá ri'u ttuba lani Cristo Jesús. ¹⁰Chi nabíá'ni ri'u biya nua ná la' retúalatsi' qui'e lani ri'u porqui'ni chi bitá Cristo Jesús nna chi beluýee poder qui' lu'uti lani ri'u nna chi belue'ni ri'u biya nua' ná la'labàni nu labí ttíá qui' ri'u. A' benie por medio de titsa' de salvación nu chi biyénini ri'u.

¹¹Tata Dios nna becuí'e inte', acca ná' apóstol nna maestro nna para quíxa'a' biya nua ra ca titsa' nu runna salvación. ¹²Acca por nùì nna tí'a' litsi ìyyì nna cca'a' sufrir. Pero labí rettu' te' de cca'a' sufrir por Cristua, porqui'ni rappa' confianza lani e de chi nabia' tsè' tì' e nna ga'na' seguro qui'ni te la' huacca qui'e para huí'e cuidado iyate nu chi betía' làtsi' né'e hasta i'yu tsá yēni qui'e. ¹³Lu' nna bèni seguir ca titsa' lí nu chi gunénia' lu' para guni lu' a lani confianza nu té qui' ri'u lani Tata Dios, a'hua lani la' tsì'ilatsi' nu té lo losto' ri'u de chi ná ri'u ttuba lani Cristo Jesús. ¹⁴Espíritu Santo enne' dúe lo losto' ri'u nna gunnee la' huacca qui' lu' para qui'ni ecàbini lu' tsè' canu rinne çà contra ca titsa' lí nu chi bethà'nee làtsi' ná' lu' para cúa lu' a tsè'. ¹⁵Chi yù lu', Timoteo, qui'ni iyaba ca amiguo quia' canu

tsè'e le' región Asia nna chi bettse'e latsi' qui' inte', entre ca nui nna l'láni Figelo a'hua Hermógenes. ¹⁶Rinábania' Señor lani oración qui'ni gúlui'e la' retúalatsi' qui'e lani Onesíforo a'hua lani familia qui' bi, porqui'ni iýé vuelta bitá bi huenàba titsa' inte' nna bethà'na bi nu riquina' te' nna uccua' animar por ca titsa' tse' qui' bi, labí bettu'ni bi màsqui'ba tí'a' preso, ¹⁷sino betúa la latsi' bi inte', porqui'ni loti' re' bi le' ciudad Romi nna bittu dejar beni bi hasta qui'ni betseláni bi inte'. ¹⁸Rinábania' Señor qui'ni exa latsi'e favor nu chi beni bi por inte' canchu chi i'yu tsá tsé'e ri'u ru'a lúe. Hua yùba lu' qui'ni yala cualani beni bi ri'u loti' gutsé'e ri'u le' yétsi Éfeso.

2 Acca lu' yì'nia' Timoteo, beyàppa fuerza espíritu qui' lu' por la' huacca nu runna Tata Dios lo losto' ri'u de chi ná ri'u ttuba lani Cristo Jesús. ²Ca titsa' nu chi biyénini lu' loti' benia' predicar ru'a lo iýetse' ca enne', ná qui'ni quixá'ani lu' adí ca nubeyu' de confianza iyaba nu chi bethé'tenia' lu' nna, gá lu' çà qui'ni quixá'a huani çà adí ca nubeyu' canu té capaz qui' qui' para guthète' huani çà adí ca enne'. ³Gurèni lani la' redacca' latsi' iyate nu ná la' ritè qui' lu' tì'a runia' para qui'ni a'hua lu' nna ccá lu' ttu huenitsina tsè' qui' Cristo Jesús, tì'a ná ttu soldado tsè' lani capitán qui'ì. ⁴Ccá ttuba la' rulábalatsi' qui' lu' para guni lu' Tata Dios servir. Por ejemplo: canchu ttu nubeyu' ccá soldado nna labiru cca tsá lo tsina qui'ì nihua biya attu negocio l'le, sino ruttse'e

latsi'ì iyaba ca così para qui'ni gunià tsè' nu rú'u latsi' comandante qui'ì. ⁵A'hua ná duè'la' guni lu' obedecer nu rú'u latsi' Tata Dios para qui'ni thí' lu' la' dàliani qui'e. Por ejemplo: ttu deportista nu rigaá le' ttu competencia nna, labí gunià recibir biya premio bitola canchu irià fuera de nu ra ca reglamento atsi'ìni là nna bitsina'a primero. ⁶A'hua bittu ccá lu' enne' flojo lani tsina nu chì bethà'na Tata Dios làtsi' ná' lu'. Por ejemplo: ttu campesino nna canchu hua lígani rue'èl'la' latsi'ì lo tsina qui'ì nna, entonces édi'a adí iyenì. ⁷Belaba tsè' latsi' lu' tsunna ca ejempluì nu chi gutixa'ánia' lu', làniana Señor nna gunie qui'ni telini lu' itute nu ná qui'ni guni lu'. ⁸Bittu i'ýù'lani lu' qui'ni Jesucristua nna chi beyathee de lo lù'uti lani ttu la' labàni cubi. A'hua exa latsi' lu' qui'ni lèe nna rigú'ubi'e lo iyate porqui'ni queé relacionar lani rey David enne' gulú'ubia' tiempo antigua. Nùì nna nà conforme lani ca titsa' nu riquixà'a' nu cca qui' salvación. ⁹Runia' declarar ru'a lo ca enne' titsa' nu runna salvación, acca yala sufrir cca'a' nna chi be'ýiquianí cã inte' cadena ti'átsi yala mal benia'. Pero titsa' qui' Tata Dios nna bihua ýiquia cadena, sino dia láq runià tsina lo losto' ca enne' iyaba ca lugar. ¹⁰Acca por nùì nna ruchia' iyaba nu cca'a' sufrir nna runia' seguir riquixà'a' nu cca qui'e porqui'ni Tata Dios nna chi becué' huée adí ca enne' para la'a labée, acca calátsa'a' qui'ni a'hua làcã nna ccá cã ttuba lani Cristo Jesús nna l'lá cã làtsi' ná' numalua

nna gunibía' cã ti'íya tsè' ná la' yani' nu labí ttíq qui' ri'u. ¹¹Canchu chi ccá ri'u dispuesto guni ri'u e servir màsqui'ba gatti ri'u por lèe, pero hua lí bá nua' qui'ni eyacca bàni ri'u nna tsé'e ri'u lani lèe.

¹²A'hua canchu runi ri'u seguir runi ri'u nu ná tsè' màsqui'ba dá' biya sufrimiento lani ri'u, pero hua lí bá nua' qui'ni i'yu tsá qui'ni gunnee la' rigú'ubia' qui' ri'u de queé Rey qui' ri'u. Canchu nu'ya ri'u labí thí'che' ri'u qui'ni nabiá'ni ri'u e, làniana ina huée qui'ni labí nabiá'nie ri'u. ¹³Pero màsqui'ba labí runi ri'u cumplir nu benìni ri'u e ofrecer qui'ni guni ri'u, pero lèe nna guni bée iyate nu chi benìnie ri'u prometer, porqui'ni labí posible té qui'ni étsiání e de nu née.

¹⁴Guti'ixa'áni ca huenitsina qui' Señor qui'ni bittu ru til-la cã por ca titsa' nu labí ri'yu', porqui'ni ná cã responsable ru'a lúe por nu runi cã. Ca cosa canu runi cã discutir nna bihua nã consejo tsè' para ca enne', sino runi láq qui'ni redùl'la'a latsi' canu riyénini cã nna labiru tsía latsi' qui' titsa' qui' Tata Dios. ¹⁵Bèni duè'la' cca lu' ttu obrero nu dacca' i'yu' ru'a lo Tata Dios sin biya cosa nu guni lu' qui'ni ettu'ni lu' ru'a lúe, sino be'él'la' latsi' lu' quixa lu' ttu neda lí de riquixà'a' lu' tì' tabá rulue' titsa' qui'e. ¹⁶Bittu l'láni lu' canu chi rue' cã titsa' nu labí ri'yu' para la' dàliani qui' Tata Dios. Ca enne' canu rue' cã ca titsa'a' nna bétsi bétsi bá labiru runi cã nu rú'u latsi'e. ¹⁷Enseñanza mal qui' qui' nna runià qui'ni i'yetse' ca enne' nna labiru ría latsi' qui' nu ná lí, ti'a riduló ttu tsahue', pues suave

ba ril-lanią pero riyal-la' bąa hasta qui'ni ga'ni itute cuerpo. A' ná nu runi ca nubeyu' lá ca Himeneo nna Fileto nna, ¹⁸porqui'ni chi gùla'a ca neda nu ná lí nna reya ca qui'ni labí eyatha canu yatti de lo lù'uti sino qui'ni chi beyatha iyaba ri'u espiritualmente taá. A' modo nna runi ca qui'ni tuchuppa canu ría latsi' nna gudù chùppanią ca nna labiru ría latsi' qui'ni hualigani chi beyathe de lo lu'uti. ¹⁹Pero Tata Dios nna chi bedue ttu fundamento tsittsi para cca ri'u saber chuppa cosa. Primérute, Señor nna chi nabíá' tsè'nie iyaba ca enne' nu ná qui'e. A' hua, iyaba canu rena ca qui'ni ría latsi' qui'ni Cristo nna, dani ca cca ca ttu lado iyaba ca cosa nu ná mal. ²⁰Por ejemplo: le' ttu yú'u nu ná xeni nna anta' iýé clase de plato nna taza nna, aláa tsuá' terú canu de oro nna de plata nna sino anta' huá canu de yà nna de guna' nna. Ca traste canu de oro nna de plata nna ná ca traste nu riýu' para tsá especial, pero adí ca traste nna labí. ²¹A' hua le' iglesia qui' Tata Dios nna tsè'e canu riýu' para la dàliani qui'e, a' hua canu labí. Pero canchu nuýa ttu enne' cca ttu lado iyaba ca cosa mal, làniana iýu'a para ttu tsina especial qui' Señor, porqui'ni rulue'ni qui'ni hua lígani chi betiá itute la' labàni qui' lani lèe para úquine'e na según la' rulábalatsi' tsè' qui'e, al tanto para guniá iyaba nu rú'u latsi'e. ²²Hué' lu' cuidado qui'ni làa guni lu' obedecer ca la' ridà latsi' mal qui' lu' de ná lu' cuiti', sino bèni la seguir guni lu' nu ná tsè' ru'a lo Tata Dios nna, gùppa confianza

lani e por iyate nna, bèlue' qui'ni té la' tsi'ilatsi' qui'e lo losto' lu' para lani ca enne' nna, bèni duel-la' gappa lu' la' ýeni ttùba lani iyaba canu rul-luítsa' ca Señor lani ttu losto' nàri. ²³Pero bittu guni lu' discutir lani ca enne' canchu telini lu' qui'ni rinàba titsa' ca ca cosa nu labí dacca' iýu' sobre de ca punto nu labí fundamento té qui' qui. Hua yù lu' qui'ni a' modo nna riduló ca pleito. ²⁴Ttu huenitsina qui' Xana' Ri'u Jesucristua nna labí ná qui'ni til-la lànía ca enne', sino ná qui'ni guniá tratar lani la' tsi'ilatsi' nuýa tabá enne'. Ná hua qui'ni té capacidad qui' para eyilà modo quixá'anią ca enne' biýa nua ra titsa' qui' Tata Dios, pero bihua ná qui'ni itsa'ánią ca canchu ruyudí' ca na. ²⁵Sino ná qui'ni thí'a la' ýeni lani canu ruyudí' ca na, gulue'nią ca lani paciencia para qui'ni telini ca biýa falta ni nua' rigú'u ca, porqui'ni xíaba por la' huacca qui' Tata Dios nna ehui'ni ca nna etsiáni la' rulábalatsi' mal qui' qui' nna tsía latsi' qui' nu ná lí. ²⁶Làniana inne ca titsa' serio nna eria ca le' peligro qui' numalua nna bittu ru tsè'e ca làtsi' ní'i, nihua bittu ru guni ca nu rú'u latsi'i.

3 A' ná qui'ni telini lu' Timoteo qui'ni íl-lani tsá qui'ni adiru tabi ccá para ca huenitsina qui' Señor porqui'ni iýetse' ca peligro da' lo qui. ²Hual-lani tsá qui'ni ca enne' nna yala hue'él-la' latsi' qui' guni ca puru taá para provecho qui' la'a labá qui, a' hua yala tha latsi' qui' gata' ca cosa material qui' qui, a' hua yala ebàta' ca nna gulaba latsi' qui' qui'ni yala enne'

dacca' ná cã. A'hua labiru inne cã nu ná lí nu cca qui' Tata Dios lani ca enne', a'hua labiru gappa cã titsa' tàta nàna qui' qui' sino ccá lá cã ingrato lani cã a'hua lani Tata Dios nna, a'hua labiru ina cã qui'ni hua ná ttu cosa mal nna ttu cosa tsè' nna sino tulàppa tabá ná cã para lacã. ³A'hua labiru la' tsì'ilatsi' té lo losto' qui' para lani ca enne'; nihua labiru etúa latsi' qui' cã, a'hua labiru eyuniyén latsi' qui' para eyacca tsè' cã ca enne'; a'hua inne cã contra ttu enne' cuè'e líi; labiru cueda tí' latsi' qui' para làa guni cã mal; a'hua edacca' lani cã canchu chi cca sufrir ca enne' nna guni cã contra iyaba nu ná tsè'. ⁴A'hua gute cã cuenta ca amigo qui' qui' para gatti cã; a'hua eyáyani cã guni cã biya tabá mal; eyila cã la' dàliani para là'a labá cã; labiru la' tsì'ilatsi' té lo losto' qui' para lani Tata Dios, sino adila catsi'íni cã ca placer qui' yétsiloyu. ⁵Lacã nna guni cã tuchùppa obra tsè' nu rulue' qui'ni dianó cã ttu religión, pero por adí nu runi cã nna rulue' qui'ni labí ría latsi' qui' Tata Dios nna la' huacca qui'e nna. Bittu guni amigo lu' cã. ⁶Ttu te ca nubeyu'a nna día cã litsi' ca niula para gurexael-la' cã canu labí té tí' la' rulábalatsi' to' qui' qui' nna, ca niula canu rennia cuenta qui'ni yala tul-la' chi beni cã, a'hua runi cã seguir ca la' ridà latsi' mal qui' qui'. ⁷Ca niuláa nna tulidàba rudà naga' qui' qui' nuya tediba, pero labí capacidad té qui' qui' para gulabalatsi' qui' ccá cã saber gayã la té nu ná lí. ⁸Ca nubeyu'a nna labí capacidad tsè' té qui' qui' para gucué' cã biya hua ná tsè' l-le biya

hua ná mal l-le, completamente taá labí ccã cã merecer para guni cã Tata Dios servir màsqui'ba rena cã qui'ni ríalatsi' qui', porqui'ni redúdítsi cã ca titsa' lí tì'a ca huatsà'a lá cã Janes nna Jambres nna bedúdítsini cã Moisés. ⁹Pero iyaba ca enne' beýia nna labí posible té para qui'ni guni cã seguir ruthacca'yí cã ca enne' tulidàba, porqui'ni í'yu tsá qui'ni iyaba ca enne' nna ccá cã saber tì'iya enne' necio ná cã, tì'a uccua lani chuppa ca huatsà'a canu bedúdítsini cã Moisés. ¹⁰Pero lu' Timoteo, chi hua runi lu' seguir tsè' ca enseñanza nu chi gutixa'áni' lu', a'hua chi hua runi lu' nu ná tsè' lani ca enne' tì'a inte', a'hua té la' rulábalatsi' tsè' qui' lu' por tsina qui' Tata Dios tì'taba ná la' rulábalatsi' quia'. A'hua chi bilá'ni lu' tì'iya rappa' confianza Tata Dios por biya tediba necesidad té quia', a'hua qui'ni labí recãbi dí'nia' ca enne' biya reya cã inte' sino ruchia bá ya' cã lani la' tsì'ilatsi' nna paciencia nna labí cca'a' enfadar por la' ritè quia', ¹¹màsqui'ba rutsia latsi' qui' inte' nna o biya attu prueba cca'a' sufrir, tì'iya ná la' gutè quia' loti' gutixà'a' titsa' qui'e le' ca yétsi Antioquia nna Iconio nna Listra nna, béyá lo bání ná nu bethacca' cã inte', pero Señor nna bedilèe inte' lo iyaba ca peligruã'. ¹²Pues iyaba ca enne' canu chi ná cã ttuba lani Cristo Jesús nna runi cã duel-la' guni cã nu ná tsè' ru'a lúe, entonces hua lígani qui'ni guyudí' ca enne' cã nna ccá cã sufrir. ¹³Porqui'ni lani maña ba inne ca enne' mal contra ri'u nna runi cã seguir la' mal qui'

quj hasta qui'ni guni cã adí mal nna ruthacca'ỹi cã adí ca enne', pero ǎ'hua lacã nna ridacca'ỹi bá cã. ¹⁴Pero lu' Timoteo, bẽni seguir guni lu' ti'ba ra ca enseńanza lí nu chi bidẽte' lu' nna chi ría latsi' lu' nna, porqui'ni chĩ ba yù lu' nuỹa enne' ni belue'niã lu', ¹⁵pues dẽsdeba uccua lu' huatsa to' nna guduló lu' bidẽte' lu' nu ra lo Escritura qui' Tata Dios. Por nu ra lo titsa' quĩe nna bi'yu lu' gutelĩni lu' tĩ'iỹa ná salvaci3n nu runna Tata Dios qui' ri'u porqui'ni gudul3 lu' huía latsi' lu' Cristo Jesús. ¹⁶Ituba Escritura qui' Tata Dios nna riquixá'ã tĩ' tabá rẽe nna yala titsa' tsẽ' nã para quixá'ani ri'u ca enne' biỹa nua' ná enseńanza lí, ǎ'hua para ineni ri'u cã para ccã cã saber ca falta qui' quj de tsẽ'e ba cã lo peligro, ǎ'hua para egú'u ri'u cã neda, ǎ'hua para gute ri'u ca consejo tsẽ' qui' quj tĩ'iỹa modo tse'e cã, ¹⁷para qui'ni ttu ỹi'ni Tata Dios nna labĩ biỹa eyãtsaniã nna ccã preparado guniã tsẽ' biỹa tẽdiba tsina nu ná qui'ni guniã para lèe.

4 Acca inte' nna rinẽnia' lu' delante de Tata Dios ǎ'hua Jesucristo enne' nẽe Seńor lo iyate nna gunie iyábani ca enne' juzgar, sea canu bãni ǎ'hua canu yatti canchu chi i'yu tsá qui'ni dacca'ló tabá ilá'ni ri'u e de il'lanie attu nna quẽe enne' cu'úbia'nie ri'u, ²acca rinẽnia' lu' qui'ni hue'él'la' latsi' lu' quixá'ani lu' iyaba ca enne' titsa' quĩe, sea canu hua rú'u latsi' quj gudã naga' quj ǎ'hua canu labĩ. Gunẽni cã para qui'ni telini cã qui'ni rigú'u cã falta nna tsẽ'e cã lo peligro canchu guni ba cã seguir le'

ca tul'la' qui' quj para qui'ni gata' ttu la' rulábalatsi' tsẽ' qui' quj nna egú'u lu' cã neda lani paciencia ba por medio de ca enseńanza tsẽ' nu rulue' lu'. ³ǎ' guni lu' porqui'ni i'yu tsá qui'ni ca enne' nna ititsĩ'ni cã iyẽnini cã titsa' lígani nna guni cã seguir ca la' rulábalatsi' qui'ba quj nna gaỹi cã iỹetse' adĩ ca maestro nuhuaya' canu riquixá'a cã biỹa calatsi' quj iyẽnini cã. ⁴Lacã nna guthia naga' quj labiru calãtsi' quj gudã naga' quj ca titsa' lí, sino adírula tsú'u latsi' quj iyẽnini cã biỹaãru la ca cuento ní mãsqui'ba labĩ fundamento tsẽ' té qui' quj. ⁵Lu' Timoteo, belaba tsẽ' latsi' lu' para làa thacca'ỹi lu' nna, bittu guttse'e latsi' lu' obra qui' Seńor por biỹa sufrimiento sino bẽni la seguir equixá'ani lu' ca enne' ca titsa' nu runna salvaci3n nna, belaba tsẽ' latsi' lu' biỹa reyãtsa lo tsina qui' lu' para qui'ni ccã adĩ tsẽ' nna guni lu' ǎ' cumplir.

⁶La' labãni quia' nna nã ttu ofrenda para Seńor. Chi' tabá duã gútti cã inte'. Lù'uti quia' nna ccã última cosa nu gutía' para lèe, chĩ' taá duã edàya' yẽtsiloyu.

⁷Chĩ be'èl'la' látsa'a' benia' nu ná tsẽ' en contra de iyaba nu ná mal nna benia' seguir lani Cristo dẽsdeba huía látsa'a', chĩ bá bitsina'a' rú'a nna. ⁸Pues nu reyãtsa teruba es qui'ni Seńor nna tuãnie ttu corona para canu beni nu ná tsẽ' le' yẽtsiloyuĩ nu cu'úe iququia' canchu chi i'yu tsáa, pero aláa tsuã' teruba inte', sino ǎ'hua qui' iyaba adĩ ca enne' canu té la' tsĩ'ilatsi' lo losto' quj para lani lèe nna ribeda huá cã il'lanie para qui'ni ilá'ni cã lúe.

⁹Bè' xìa latsi' lu' itá lu' làti ré' yì'ì.
¹⁰Porqui'ni nu lá Demas nna chi bettse'e latsi'ì inte', pues adila ridà latsi'ì ca cosa qui' yétsiloyuì nna chi beyeqquìa para yétsi Tesalónica. A'hua nu lã Crescente nna lanú bí te porqui'ni chi día bi hàstaba región Galacia. A'hua hermano qui' ri'u Tito nna chi día bi para región Dalmacia. ¹¹Lucas teruba runiã inte' acompaña. Canchu chi dá' lu' nì nna iche' lu' hermano Marcua porqui'ni hua nã para guniã tsini lani inte'. ¹²Hermano qui' ri'u Tíquico nna chi guthél·la'a' bi para yétsi Efesua. ¹³Canchu chi dá' lu' nna huá' lu' lari' quíya'a nu betha'na' làtsi' ná' nu lã Carpo le' yétsi Troas. A'hua huá' lu' ca libro quíya'a làti re' yì'ì nna, bittu i'ÿùl·lani lu' làa huá' lu' iyaba ca ittsi quíya'a. ¹⁴Alejandro nu nã herrérua nna yala mal beniã quia'. Xana' Ri'u Jesucristua nna hua yù bée bi'ya gutháqqe'e na según ca mal nu beniã. ¹⁵Lu' nna Timoteo, ccá lu' listo canchu etsa' lu' a, porqui'ni yala telá beduadí'a inte' loti' gutixà'a' ca titsa' de salvación lani ca enne', a'hua lu' nna huedúdsiniã.

¹⁶Loti' gùdua' primera vez ru'a lo ca autoridad para guniã' sostener nu ccà quia', pues nidi rúbani ttu enne' lanú gudu lani inte' para ccã

testigo quia', pero labí calátsa'a' qui'ni Señor nna cuequie cuenta nùì contra làcabi. ¹⁷Màsqui'ba a' uccua pero Señor nna gudu bée lani inte' nna bennee fuerza quia' para qui'ni por medio de inte' nna uccua declarar ca titsa' de salvación nna benia' qui'ni iyaba ca nación nna biyénini cã na. A' modo nna Señor nna bedilèe inte' làtsi' ná' nu calatsi'ì gulu'ÿã látsa'a'. ¹⁸Ga'na' seguro qui'ni gudilà huée inte' le' iyaba ca mal nu calatsi'ì gudacca'a' inte' nna edi'e inte' le' ÿíabara' làti rigú'ubi'e. Lèe nna quée merecer qui'ni gudàliani ri'u e tulidàba para siempre. Qui'ÿarú e. ¹⁹Gute lu' la' rinàbatitsa' quia' lani hermana qui' ri'u Prisca a'hua lani nubeyu' qui' bi Aquila, a'hua lani hermano qui' ri'u Onesíforo l·le familia qui' bi l·le. ²⁰Hermano qui' ri'u Erasto nna dua ba bi le' yetsi Corinto. Hermano qui' ri'u Tróximo nna yala fuerte ra'ni bi, acca uccua duel·la' bethà'na' bi le' yetsi Miletua. ²¹Beni duel·la' itá xìa lu' ántesca él·lani tiempo idìl·la'. Ca creyente Eubulo nna Pudente nna Lino nna Claudia nna, a'hua iyaba adí ca hermano tsè'e nì nna rithel·la' hua cabi la' rinàbatitsa' qui' lu'. ²²Xana' Ri'u Jesucristua nna gunnee fuerza qui' lu'. Tata Dios nna gunie iyaba le cualani.

A' bá ná.